

საქართველოს იუსტიციის სამინისტრო

სსიპ საჯარო რეესტრის ეროვნული სააგენტო

სატენდერო დოკუმენტაცია

საინფორმაციო საიმიჯო რგოლების დამზადების მომსახურების
სახელმწიფო შესყიდვა
ელექტრონული ტენდერის საშუალებით
(CPV - 92111250)

2014 წელი
თბილისი

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. სახელმწიფო შესყიდვის შესახებ ხელშეკრულების პროექტი.
4. დანართი №1 - ფასთა ცხრილი
5. დანართი №2 - რეკვიზიტები
6. დანართი №3 – აფიდავიტი

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით, შემდეგ ვალდებული ხარო გაეცნოთ აფიდავას და დაეთანხმოთ მას (გაცნობას და თანხმობას ადასტურებოთ სისტემის მეშვეობით).

1.4. ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7. მას შემდეგ რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.8. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.9. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით,

1.10. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.11. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.12. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.13. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.14. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი, დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც

ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში – კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.16. მას შემდეგ რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით, ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისთვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას სატენდერო წინადადების ფასზე.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული) შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. ყველაზე დაბალის ფასის მქონე პრეტენდენტის დისკვალიფიკაციის შემთხვევაში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობათან დაკავშირებული ხარჯები.

1.22. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.23. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.24. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული

ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.25. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.26. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.27. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიან ელექტრონულ სისტემაში კითხვა/პასუხის რეჟიმის გამოყენებით და სატენდერო კომისიის აპარატში, წერილობითი მიმართვის შემთხვევაში. ქ. თბილისი, წმინდა ნიკოლოზის/ნინო ჩხეიძის ქ. #2 საკონტაქტო პირი თენგიზ ჯუღელი ტელ: 2 910517 შიდა – 7058.

2. ტექნიკური დოკუმენტაცია

2.1. შესყიდვის ობიექტის ტექნიკური დავალება:

გამარჯვებულმა ორგანიზაციამ უნდა განახორციელოს 2 საინფორმაციო საიმიჯო რგოლის (ფილმის) დამზადება.

2.1.1 საინფორმაციო საიმიჯო სატელევიზიო რგოლის დამზადება

აღნიშნული რგოლის დამზადება მიზნად ისახავს საჯარო რეესტრის ეროვნულ სააგენტოში განხორციელებული რეფორმების პლიუსების წარმოჩენას. რგოლი უნდა ასახავდეს სააგენტოს მიერ 10 წლის განმავლობაში მიღწეულ შედეგს (მოქალაქეზე ორიენტირებული ორგანიზაცია).

რგოლის ქრონომეტრაჟი უნდა იყოს 40 -45 წამი;

მიმწოდებელმა უნდა უზრუნველყოს სცენარის იდეის ჩამოყალიბება და სცენარად დამუშავება, „კადრირება“, შეთანხმება შემსყიდველთან, პერსონაჟების და მსახიობების შერჩევა, დეკორაციების მომზადება, გადაღება, მონტაჟი, ფერთა კორექცია, პოსტ ფროდაქშენი, რგოლის ტექსტი.

მიმწოდებელმა უნდა გადაიღოს აღნიშნული სატელევიზიო საინფორმაციო რგოლი (ფილმი) Full HD გამოსახულებით. მან უნდა უზრუნველყოს ყველა საარქივო მასალის მოპოვება და დამუშავება. გადაღების ადგილი უნდა იყოს ქ.თბილისი.

მიმწოდებელმა უნდა განახორციელოს რგოლის გადაღებისას საუკეთესო კადრების შერჩევა და მაღალი ხარისხის 40 ფოტო კადრის გადაღება.

2.1.2 საჯარო რეესტრში 10 წლის განმავლობაში განხორციელებული საქმიანობის შემაჯამებელი საინფორმაციო ფილმი

აღნიშნული რგოლის დამზადება მიზნად ისახავს საჯარო რეესტრის ეროვნულ სააგენტოში განხორციელებული რეფორმების პლიუსების წარმოჩენას. რგოლი უნდა ასახავდეს სააგენტოს მიერ 10 წლის განმავლობაში მიღწეულ შედეგს (მოქალაქეზე ორიენტირებული ორგანიზაცია). ასევე, რა იყო წარსულში, როგორ ვითარდებოდა წლების განმავლობაში, რა მიღწევები აქვს და ა.შ.

რგოლის ქრონომეტრაჟი უნდა იყოს 7-10 წუთი;

მიმწოდებელმა უნდა განახორციელოს სცენარის იდეის ჩამოყალიბება და სცენარად დამუშავება, „კადრირების“ შეთანხმება შემსყიდველთან, პერსონაჟების შერჩევა, დეკორაციების მომზადება, გადაღება, მონტაჟი, ფერთა კორექცია, პოსტ ფროდაქშენი, რგოლის ტექსტი.

მიმწოდებელმა უნდა გადაიღოს აღნიშნული სატელევიზიო საინფორმაციო რგოლი (ფილმი) Full HD გამოსახულებით. მან უნდა უზრუნველყოს ყველა საარქივო მასალის მოპოვება და დამუშავება. გადაღების ადგილი უნდა იყოს ქ. თბილისი.

მიმწოდებელმა უნდა განახორციელოს რგოლის გადაღებისას საუკეთესო კადრების შერჩევა და მაღალი ხარისხის 40 ფოტო კადრის გადაღება.

2.2. მომსახურების გაწევის ვადები და ადგილი:

მომსახურების გაწევა უნდა განხორციელდეს შემდეგ ვადებში:

- ამ ტექნიკური დოკუმენტაციის 2.1.1 პუნქტით განსაზღვრული საინფორმაციო საიმიჯო ინტერაქტიული რგოლი უნდა დამზადდეს და გადაეცეს შემსყიდველს, ხელშეკრულების გაფორმებიდან 20 კალენდარული დღის ვადაში;
- ამ ტექნიკური დოკუმენტაციის 2.1.2 პუნქტით განსაზღვრული საინფორმაციო საიმიჯო რგოლი უნდა დამზადდეს და გადაეცეს შემსყიდველს, ხელშეკრულების გაფორმებიდან 25 კალენდარული დღის ვადაში;

2.3. სატენდერო წინადადების გაანგარიშების წესი:

პრეტენდენტის მიერ წარმოდგენილი სატენდერო წინადადების ფასი უნდა ითვალისწინებდეს სატენდერო დოკუმენტაციის 2.1., 2.2. პუნქტებით გათვალისწინებული ორი საინფორმაციო საიმიჯო რგოლის (ფილმის) დამზადების მომსახურების ღირებულებას, რომელიც უნდა მოიცავდეს მიმწოდებლის მიერ სატენდერო დოკუმენტაციით განსაზღვრული მისი ვალდებულებების შესრულებასთან დაკავშირებულ ყველა ხარჯს და კანონმდებლობით გათვალისწინებულ ყველა გადასახადს. ნებისმიერ ხარჯი, რომელიც არ იქნება გათვალისწინებული სატენდერო წინადადების ფასში არ ანაზღაურდება.

2.4. მოთხოვნები პრეტენდენტების მიმართ:

პრეტენდენტი უნდა აკმაყოფილებდეს შემდეგ მოთხოვნებს:

- ბოლო ერთი წლის განმავლობაში დამზადებული უნდა ჰქონდეს მსგავსი ტიპის მინიმუმ 5 რგოლი,
- უნდა ჰქონდეს ანალოგიური მომსახურების გაწევის მინიმუმ 4 წლიანი გამოცდილება.
- 2012-2014 წლის განმავლობაში დამზადებული რგოლების ჯამური ღირებულება უნდა შეადგენდეს არანაკლებ 100 000 ლარს.

2.5. მიღება-ჩაბარების წესი:

გაწეული მომსახურების მიღება-ჩაბარების აქტი ფორმდება წერილობითი ფორმით, ორივე მხარის უფლებამოსილი წარმომადგენლების ხელმოწერით, ინსპექტირების განმახორციელებელი პირის მიერ შედგენილი, დადებითი დასკვნის მქონე, ინსპექტირების აქტის საფუძველზე.

2.6. პრეტენდენტის მიერ სისტემაში ასატვირთი მონაცემები:

2.6.1 ფასთა ცხრილი, რომელიც შედგენილი უნდა იყოს სატენდერო დოკუმენტაციის დანართი №1-ით გათვალისწინებული ფასთა ცხრილის ფორმით და მის შესაბამისად.

2.6.2. რეკვიზიტები სატენდერო დოკუმენტაციის დანართი №2-ის შესაბამისად.

2.6.3 ინფორმაცია ანალოგიური მომსახურების გაწევის შესახებ, რომელშიც მითითებული უნდა იყოს შემსყიდველი ორგანიზაციის დასახელება, დამზადებული რგოლის დასახელება და მოკლე აღწერა (გრაფიკული, ინტერაქტიული და ა.შ), ღირებულება, რგოლის დამზადების პერიოდი (წელი და თვე); და შესაბამისი ხელშეკრულებების და მიღება-ჩაბარების აქტების (ან საგადასახადო ანგარიშ-ფაქტურის) ასლები.

2.6.4. რგოლების დამზადების პროცესში ჩართული პერსონალის კვალიფიკაციისა და გამოცდილების შესახებ ინფორმაცია.

3. საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა (მეწარმე სუბიექტმა) სატენდერო კომისიის მიერ დადგენილ ვადაში, მაგრამ მოთხოვნიდან არაუგვიანეს 5 სამუშაო დღეში, უნდა წარმოადგინოს:

- 3.1. ამონაწერი მეწარმეთა და არასამეწარმეო (არაკომერციული) პირების რეესტრიდან;
- 3.2. ცნობა/ინფორმაცია უფლებამოსილი ორგანოდან, რომლითაც დადასტურდება რომ პრეტენდენტის

მიმართ არ მიმდინარეობს რეორგანიზაცია/ლიკვიდაცია/გადახდისუუნარობის პროცესი (შენიშვნა: თუ ამ პუნქტით (3.2.) გათვალისწინებული ფაქტების დამადასტურებელ ინფორმაციას შეიცავს ამონაწერი მეწარმეთა და არასამეწარმეო რეესტრიდან, პრეტენდენტს არ მოეთხოვება, დამატებით, რაიმე ცნობის წარმოდგენა);

3.3. ცნობა შემოსავლების სამსახურიდან, რომლითაც დადასტურდება რომ პრეტენდენტს არ გააჩნია ბიუჯეტის წინაშე დავალიანება.

4. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

სსიპ საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის, _____ სახით და „_____“, შემდგომში წოდებული „მიმწოდებლად“, წარმოდგენილი დირექტორის, _____ სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. ხელშეკრულება სახელმწიფო შესყიდვის შესახებ“ (შემდგომში-„ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაშია მინიშნებები.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. დღე“, „კვირა“, „თვე“ - კალენდარული დღე, კვირა, თვე.

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“- პირი, რომელიც ახორციელებს სამუშაოებს ამ ხელშეკრულების ფარგლებში.

1.6. „მომსახურება“ - ხელშეკრულების მე-2 მუხლით გათვალისწინებული მომსახურება.

2. ხელშეკრულების საგანი

2.1. ხელშეკრულების საგანია საინფორმაციო, საიმიჯო, 2 სატელევიზიო ფილმის (რგოლის) დამზადების მომსახურების (CPV - 92111250) შესყიდვა.

2.2. დასამზადებელი სატელევიზიო ფილმების (რგოლების) ქრონომეტრაჟი, თემა, შინაარსი, დამზადების მომსახურების აღწერილობა, ტექნიკური მახასიათებლები განისაზღვრება მიმწოდებლის მიერ წარმოდგენილი ფასთა ცხრილით, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის შესაბამისად და შეადგენს ————— (—————) ლარს.

3.2. ხელშეკრულების ღირებულება, მომსახურების ღირებულების გარდა, ასევე, მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1. მიმწოდებელი ვალდებულია:

- ა) დაამზადოს და მიაწოდოს შემსყიდველს სატელევიზიო ფილმები (რგოლები) ფასთა ცხრილით გათვალისწინებული პირობების შესაბამისად, შემდეგ მისამართზე: თბილისი, წმ.ნიკოლოზის/ნ.ჩხეიძის ქ.№2;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ხელშეკრულების პირობების შესრულების კონტროლი (ინსპექტირება);
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

დამზადებული სატელევიზიო ფილმები უნდა აკმაყოფილებდეს მოქმედი კანონმდებლობით დადგენილ ყველა მოთხოვნას და უნდა შეესაბამებოდეს ამ სფეროში დამკვიდრებულ საერთაშორისო სტანდარტებს.

6. ხელშეკრულების პირობების შესრულების კონტროლი

6.1. შემსყიდველის მიერ ხელშეკრულების პირობების შესრულების კონტროლი განხორციელდება პერიოდულად, როგორც სამუშაოების შესრულების დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

6.2. შემსყიდველი, საკუთარი თანამშრომლის მეშვეობით განახორციელებს ხელშეკრულების შესრულების ინსპექტირებას. ინსპექტირებას განახორციელებს შემსყიდველ ორგანიზაციის საზოგადოებასთან ურთიერთობის სამსახურის თანამშრომელი.

6.3. ინსპექტირების განმახორციელებელი პირი უფლებამოსილია ჩაატაროს გაწეული მომსახურების ხარისხისა და ტექნიკური კონტროლი, და თუ აღმოჩნდება წუნი, მიმწოდებელი ვალდებულია შემსყიდველთან შეთანხმებული ვადის განმავლობაში, მაგრამ არ უგვიანეს 5 დღისა, გამოასწოროს წუნი საკუთარი ხარჯებით, შემსყიდველის მხრიდან რაიმე დამატებითი დანახარჯების გაწევის გარეშე.

7. სამუშაოების მიღება-ჩაბარების წესი

7.1. მომსახურების მიღება წარმოებს მიღება-ჩაბარების აქტის სახით. გაწეულ მომსახურებაზე მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის მიერ შედგენილი, დადებითი დასკვნის მქონე, ინსპექტირების აქტის საფუძველზე.

7.2. მიწოდების ვადაში არ ჩაითვლება ინსპექტირების განხორციელების დრო.

8. ანგარიშსწორება

8.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა-ლარი;
ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო – სსიპ საჯარო რეესტრის ეროვნული სააგენტოს საკუთარი შემოსავლები.

8.2. ანგარიშსწორება იწარმოებს ერთიანად; მიმწოდებელს აუნაზღაურდება ხელშეკრულებით გათვალისწინებული ორი სატელევიზიო ფილმის (რგოლის) ღირებულება მომსახურების ფაქტობრივად გაწევისა და საგადასახადო ანგარიშ-ფაქტურის წარმოდგენის შემდეგ, მხარეთა მიერ გაფორმებული მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 15 სამუშაო დღეში. (თუ საგადასახადო ანგარიშ-ფაქტურა წარმოდგენილ იქნა მიღება-ჩაბარების აქტის გაფორმების შემდეგ, ანგარიშსწორების ვადა აითვლება საგადასახადო ანგარიშ-ფაქტურის წარმოდგენიდან).

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

10.2. თუ ერთი-ერთი მხარე არ ასრულებს ხელშეკრულების საგანთან დაკავშირებულ ვალდებულებას, მეორე მხარე ვალდებულების შესრულებისთვისათვის წერილობითი ფორმით უწესებს დამატებით ვადას ან აფრთხილებს მას. თუ დამატებით ვადაში ან აფრთხილების შემდგომ, მხარე კვლავ არ ასრულებს ან არსებითად არღვევს მის მიერ ნაკისრ ვალდებულებას, დაზარალებულ მხარეს უფლება აქვს ცალმხრივად შეწყვიტოს ხელშეკრულების მოქმედება.

10.3. წინამდებარე ხელშეკრულების დანართი №1 (ფასთა ცხრილი) გათვალისწინებული ვადების დარღვევის შემთხვევაში, გარდა ხელშეკრულების 6.3. პუნქტით გათვალისწინებული შემთხვევებისა, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

10.4. წინამდებარე ხელშეკრულების 6.3 პუნქტით გათვალისწინებული პირობების დარღვევის შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

10.5. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.3%-ის ოდენობით.

10.6. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლის ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული დანარჩენი ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2014 წლის 31 დეკემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე, აქედან ორი ეგზემპლარი გადაეცემა შემსყიდველს, ხოლო ერთი - მიმწოდებელს.

17. მხარეთა რეკვიზიტები:

შემსყიდველი:

სსიპ საჯარო რეესტრის ეროვნული სააგენტო,
წარმოდგენილი თავმჯდომარის მოადგილის

_____ სახით,

მისამართი: თბილისი, წმ.ნიკოლოზის/წ.ჩხეიძის ქ.2,

ტელეფონი: 910517,

საბანკო რეკვიზიტები:

ანგ. №,

ბანკის კოდი: BAGAGE22,

ს/კ – 202238621

მიმწოდებელი:

_____ „_____“,

წარმოდგენილი დირექტორის

_____ სახით,

მისამართი: _____,

ტელეფონი: _____,

საბანკო რეკვიზიტები: ანგ. № _____,

სს „საქართველოს ბანკი“, კოდი: _____,

სკ _____

მომსახურების ფასთა ცხრილი

#	სატელევიზიო ფილმის (რგოლის) თემა	ქრორონომე ტრაჟი	მომსახურების აღწერილობა	მიწოდების ვადა	ღირებულება
1	საჯარო რეესტრის ეროვნულ სააგენტოში განხორციელებული რეფორმების პლიუსების წარმოჩენა. 10 წლის განმავლობაში სააგენტოს მიერ მიღწეული შედეგი (მოქალაქეზე ორიენტირებული ორგანიზაცია).	40 -45 წამი;	იდების ჩამოყალიბება და სცენარად დამუშავება, „კადრიების“ შეთანხმება შემსყიდველთან, პერსონაჟების შერჩევა, დეკორაციების მომზადება, გადაღება, მონტაჟი, ფერთა კორექცია, პოსტ ფროდაქშენი, რგოლის ტექსტი.	20 დღე	
2	საჯარო რეესტრის ეროვნულ სააგენტოში განხორციელებული რეფორმების პლიუსების წარმოჩენა. სააგენტოს მიერ 10 წლის განმავლობაში მიღწეული შედეგი (მოქალაქეზე ორიენტირებული ორგანიზაცია). ასევე, რა იყო წარსულში, როგორ ვითარდებოდა სააგენტო წლების განმავლობაში, რა მიღწევები აქვს და ა.შ.	7-10 წუთი	გამოსახულება – Full HD. გადაღებისთვის საჭირო ყველა ტექნიკური საშუალების უზრუნველყოფა. გადაღების ადგილი – ქ.თბილისი. რგოლისთვის საჭირო ყველა საარქივო მასალის მოპოვება და დამუშავება. რგოლის გადაღებისას საუკეთესო კადრების შერჩევა და მაღალი ხარისხის 40 ფოტო კადრის გადაღება.	25 დღე	
	ჯამი				

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი,

პრეტენდენტის იურიდიული და ფაქტიური მისამართები:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული

ტენდერის პირობებს;

• შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.



გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.